

進賢縣志卷二十二

雜識

機祥

兵革

古蹟

坊表

機祥

天道有常運四時有常行機祥者異乎常者也春秋書災不書祥示警也言事不言應貴人也人事盡於下天道回於上則人定可以回天而恐懼修省烏容已歟志機祥

宋寧宗慶元二年庚申縣民產子首有角腋有肉翅面具三有尾

元至元二十九年壬辰大水

至正庚辰甘露降

進賢縣志

卷二十一

機祥

一

明洪武十七年甲子芝十本產於學宮前

永樂十三年乙未大雨江水漲舟行樹杪壞廬舍没禾稼命戶部差官行恤

洪熙元年乙巳久雨傷稼命戶部蠲租

宣德八年癸丑大雨江溢漂民居巡撫趙奏蠲租按院奏免工部坐派諸色顏料竹木鑄錢等項

九年甲寅獲白鵲於白田貢之是年大旱

正統五年庚申霖雨江漲没早禾六月後大旱枯晚禾命戶部軫恤

八年癸亥野蠶成繭於縣樹雲溪生並頭蓮

十二年丁卯堯城山生瑞竹一木三幹

十三年水災民乏食巡按芮請賑濟

十四年己巳又大水芝生縣石柱

景泰七年丙子靈雨七月大旱晚禾俱稿巡撫韓奏豁秋糧

天順五年辛巳災三月民居殆盡

成化六年庚寅縣治生雞冠花如鳳是年譙樓災

十年甲午水

十一年乙未瑞竹一本二幹生真隱鄉艾氏宅

十五年己亥饑

二十一年乙巳大水閉城五日漂人畜甚多

進賢縣志

卷二十一

饑祥

二

宏治十四年辛酉大水免稅有差

十六年癸亥又水免子粒

十七年甲子大水

正德四年己巳大雨雹夏六月大水南鄉盜起

六年辛未正月朔地震

八年癸酉自夏至冬不雨秋日晦數刻如夜見星

十一年乙亥民饑死者相枕藉布政陳奏停秋徵

十三年戊寅水免夏稅

十五年庚辰正月至三月靈雨夏四月大水免稅

嘉靖元年辛巳大水饑免起運米

二年壬午大水浸縣治

四年甲申饑秋免糧並差

五年乙酉大旱改折免米六月大雨七月蝗

三十一年壬子又饑免稅糧

三十五年丙辰大水饑免存留稅糧以九江船料贛州鹽稅補

給宗祿

三十九年庚申大水免存留糧差仍以贛鹽稅補給宗祿

四十一年壬戌四月至六月大水冲決民田廬免稅秋糧

四十二年癸亥大雨雹

四十三年甲子水免秋糧有差

進賢縣志

卷二十一

饑祥

三

隆慶二年戊辰饑巡撫劉光霽奏免秋糧又改折南京倉米是

年冬奏准行一條鞭法

萬曆七年己卯崇禮鄉生嘉禾一莖三穗

十四年丙戌大水蠲賑有差是年甘露降仙鶴峯

十五年丁亥大水饑知府范徠請弛長河魚禁予民

十六年戊子饑免秋糧有差仍弛魚禁

十七年己丑不雨至秋大疫

二十四年丙申並頭蓮生金良輔池一莖雨花

三十一年癸卯三月甘露降於縣北邱溪里色如凍蜜味甘

三十五年丁未邑災燬民居二千餘家

三十六年戊申大水民饑死甚衆巡撫衛奏改兌折粟賑賚仍弛魚禁

三十七年己酉大水饑巡撫顧請蠲恤令周光祖有遇災詩四首

三十八年庚戌地震屋瓦有聲

四十二年甲寅大水邑中饑邑人熊明遇建議改折是時巡撫入蒙王公佐惠綏通省邑宰錢公士貴詳議折兌之法西昌喻公致知給事畱垣具疏贊成南糧全折北糧折十分之五每石止二錢五分

四十六年戊午秋彗星見

進賢縣志

卷二十一

饑祥

四

四十八年壬子六月羅盤里凡塘水午時溢高尺餘次年癸丑

金德潤登進士

泰昌元年十二月大雨雪

天啟五年乙丑芝生金進士廳堂倒垂葉交織風吹則動一十

七片色白而淡紅士大夫俱贈以詩賦

六年丙寅田潦

崇正九年丙子潦

十四年辛巳大潦民饑是年撫按題請改折南糧明年布政司經歷林之秀載穀七百石遍賑三陽北山梓陂等處

國朝順治三年丙戌夏秋大旱民饑

四年丁亥春夏大水斗米至銀七八錢民食樹皮殆盡

七年庚寅潦巡按趙公如瑾具題稍減正賦從之

康熙三年大旱禾苗盡稿民饑是年蒙免額賦十分之三

四年又旱地盡赤饑民遍覓食蒙縣申詳發賑老幼賴存活縣

單騎履畝勘報是年蒙免額賦十分之三

五年秋災八分是年蒙免額賦十分之二

六年夏大澇河流一夕水湧二丈餘漂民廬沒禾稼縣申詳發

賑蒙減額賦十分之三

九年秋大旱民饑蒙免額賦十分之三又冬大雨雪一月高地

深數尺低窪丈餘道多凍死

進賢縣志

卷二十一

饑祥

五

十年夏五月旱至八月乃雨草木皆枯田地顆粒無收米價騰

湧民拾菱菜樹皮草根爲食縣申詳發賑穀下縣存活無算

是年免額賦十分之三

以上聶志

十三年甲寅旱知縣胡鼎生禡冠跣足暴烈日中懇禱三日膚

盡脫不雨自枷其項署曰失職令某大哭於壇民亦哭俄大

雨四境霑洽

十八年己未旱巡按安世鼎委勘題賑

二十一年壬戌潦傷稼巡按佟康年勘題蠲賑

五十三年甲午十二月大雨雪冰凍人畜多傷

五十五年丙申四月二十九日水浸縣堂七月旱山鄉禾盡稿

六十年辛丑大旱早晚禾收十之一二

六十一年壬午旱

雍正四年丙午潦傷稼奉

旨蠲免有差

十一年癸丑五月暴漲漂廬舍人畜無算七月初九日縣城災  
乾隆七年壬戌饑穀價騰湧石壹兩三四錢

八年癸亥潦民食樹皮及觀音土巡撫陳宏謀奏請發帑採買  
鄰省米接濟本府吳同仁發粟下縣檄令姚夢麟減價平糶  
設廠賑粥全活無算

二十一年丙子十一月十八夜地震屋瓦有聲

進賢縣志

卷二十一

機祥

六

二十二年丁丑四月二十二日各山發蛟廬舍人畜漂溺無算  
二十九年甲申大潦四月水封城門舟行縣治至十月始退明  
年春

高宗純皇帝南巡聞江西饑調江蘇巡撫明德查奏賑貸兼行

廣設粥廠全活無算

三十年乙酉潦勘報照例減賦

三十二年丁亥水勘報題減有差

三十三年戊子 報題減有差

三十四年己丑潦分別題免停徵有差

四十三年六月二十三日縣城災

以上羅志

四十八年癸卯大水

道光三年癸未大水

八年戊子八月靈雨連旬秋水泛漲

十一年辛卯大水米價乙石五千零

十三年癸巳大水

十四年甲午大水

十五年乙未大旱自夏徂秋不雨禾盡稿八月蝗蟲遍滿飛蔽  
天日九月水漲低窪之苗稼蟲蝕漂沒民食草根樹皮觀音  
土餓死者甚衆

食觀音土詩有序

進邑欽風鄉黃泥壠出觀音土

齊廷勝

進賢縣志

卷二十一

機祥

七

慨夫茹毛食木遐哉太古之風吸露餐霞邈矣神仙之趣嚙糞  
曾傳蘇武節勵丁年吞紙間有朱詹學勤子舍亦知不火食不  
粒食別標物色於風塵然觀若儒家若農家安享饗殮於朝夕  
從未聞取一撮之地聊向土銜而代烹和一九之泥漫同土物  
而投箸者也孰料鉢裏曇花忽現莫隔蓬山兮萬重胸間芥蒂  
俱無欲吞雲夢者八九豈非土不畜滿懷之塊壘難澆何借箸  
而籌中心之磊落如結時也辛辰祈穀方社無靈甲乙書年旱  
魃爲虐日方熾炭雨旣如珠土不生毛炊真是玉又况螟食心  
蠶食葉蠹食根賊食節比翼而飛舉凡牛宜稌犬宜梁雁宜麥  
魚宜苽轉眼而盡書中雖有千鍾粟而文字原不療飢日後雖

封萬石厥而體膚先不勝餓我希點鐵成金之術人乏指困輸粟之情君子亦有窮乎叫幾聲阿彌佗佛乞人端不屑也仗那位救若天尊爰有靈感觀音化爲福德土地雲釀菩提之子一團瓊粉長成露洒楊柳之枝萬斛珠塵湧出入口則泥滑滑其潤如酥吐口則舌稜稜其罪似屑爲民命請天命隱藏著百千億身視人飢由已飢活現些三十六相地不愛寶此生證粟影如來色卽非空到處認蓮花世界是續命七返散是還魂九轉丹不必黔敖路食以粥不必子罕戶餽以鍾儼然戴記十二食之中還相爲質特於周官十二壤之外肇錫嘉名信佛法之無邊知生靈之有福殘膏濺齒都成黃口之兒災殃化塵試驗白

衣之咒不唯顯大慈發大願顛遊戲之仙人庶幾禦大患捍大災配享祀於先稷者歟僕命多舛午生不逢辰每愁硯地荒蕪亦多惡歲孰謂情田耕種必有豐年岌岌乎身其幾餘空賦三星之在鬻赫赫乎早旣太甚竟遭七日之絕糧將學李下廉夫欲易粟而未工織履將學蘆中窮士欲乞食而不善吹簫予其死於道路乎時亦轉諸溝壑耳何幸山靈不遠母德無疆南海有神肯速我爲北邙之鬼東道作主若歎我爲西都之寶煮翻壺裏乾坤一般靈石食異人間煙火數粒香埃殆諺所謂仰面求人不如低頭求土者矣雖然非藍田兮玉種非丹竈兮珠流只道此有土卽此有財詎誠可求安又可求飽飛灰滿面莫障



元規之塵積壑填胸藉充漂母之飯不喚我泥菩薩則笑我賴  
佛逃生不呼我土偶人則疑我吞炭爲啞回憶食不厭精者能  
無食不下咽耶是以因淨土著聲靈先奉眞而作序殊飯夫覓  
生活更打鉢以催詩願法雨之清塵澤被苗黍仰大風之吹垢  
祿養鼎鍾油油爾食德飲和坦坦如戴高履厚何懼天災時至  
無麥無禾且游飢咸歌神力普存有幹有年於茲土

黃土搏人已有的年而今立地佛依然幻成雲母輕霏粉戲喚觀  
音種出秬不道揚塵炊作飯翻教獲石寶如田莫云米等泥沙  
賤稿壤生涯實可憐

競說天開粟窖藏一坏分得二紅香何人聚米堆成谷幾處量  
進賢縣志  
卷二十一  
機祥  
九  
沙認散糧似有仙方餐白石可無佳夢熟黃梁哀哉苦命眞如  
土願發慈悲大救荒

從來六府共修和穀產誰知讓土多也恨塵心消不得奈無糠  
覈欲如何擲珠莫怨麻姑邈雨粟休疑玉帝苛想是前身泥塑  
佛幾回染指笑呵呵

榆錢不及買青春糜粥何由活餓人塊土獨蒙天賜異汗尊儼  
對古風醇石兼漱處悲殘齒泥未歸時現化身貌似山癯黃幾  
許功疎面壁也同塵

呼癸呼庚處處同半弓地當米雙弓果脩羅漢三生外心在阿  
婆一片中莫怪小人懷念切祇緣大士顯神通林間多少觀音

竹怎及弭裁救患功

飯抄雲子拜神休露積家家野不收此地合呼高廩邑是山宜  
號太倉州聞香遙逐黃泥坂

進邑欽風鄉黃泥壩出觀音土

汎粟空思絳縣舟

腸似鐵來心匪石未知塵劫幾人留

內顧家無擔石儲又兼鷄黍故交疎荒田未種郎君芋老圃惟  
餘佛影蔬滿甌非關埃自墮採山仍覺美堪茹好從蒜友瓜朋  
外補入郇厨食品書

遮莫三黃學煉烹丹砂一粒搗雲英瑤池液瀉銀泥落香鉢光  
生土簋盛畫餅不妨隨地啖邏齋何必候鐘鳴金鹽玉鼓調和  
好賽似東坡骨董羹

進賢縣志

卷二十一

機祥

十

平生不肯食嗟來枵腹無如響似雷世轉法輪千子護山隨力  
士五丁開聲非嘖爾翻虞蹴心自雄豪未便灰挑土築墻嘲吃  
飯齊東野語費疑猜

只言陶穴共居寒仁者安仁士亦安饋我盤飧充異物辟他穀  
食有餘懽醫貧未採庚辛藥度世猶傳戊己九豈但作甘爰稼  
穡從今味外識鹹酸

咯咯喉間食有音老來祝噎哽難禁却愁蓬顆終埋玉敢望山  
珍侈饌金胸守拘墟凝不化腹多積痞痼逾深何如灑脫超塵  
壘細嚼梅花當點心

瘠土何愁產不毛土膏未減餉脂膏爲矜煙爨虛黔突任向風

簷笑老饕德感飽餐同地厚望驚積穀等山高他年得 紅綾  
餅母惠無忘祀棗糕

十六年丙申秋乾詳請緩征三分之一

二十六年丙午旱

二十八九年戊申己酉大水北鄉廬舍漂沒民無所安居城  
內大街泛舟衙署頭門二門水深三尺餘與大堂之階平獄  
犯遷移數十年來水未有大于斯者

咸豐三年癸丑六月靈雨穫鮮陽暴穀多芽

八年戊午三月雨雹大者重六七斤打傷飛禽自太平渡南二  
三里許橫過七里岡至潤溪四五十里南北四五里荳麥傷遍

進賢縣志

卷二十一

機祥

十一

同治元年正月堅冰厚六七寸長江大河可過車馬卽急湍亦

凍

八年己巳大水縣主江詳請緩征撫卹

九年庚午二月雨雹大若鶩卵由建昌撫州而來經進邑過東

鄉餘干等縣

人瑞

咸豐五年乙卯六月十四日三十五都彭橋村譚思堅妻李氏  
一產三男呈報邑侯史公昌壽賞以銀牌三面以次命名曰朝  
棟朝憲朝恩形貌相類長就外傳卽熟識其面者猝不能辨現  
年近弱冠俱應童試洵皆小子有造

兵革

易稱王公設險以守其國又云公用射隼於高墉之上獲之無不利蓋安不忘危古之制也進處豫章東南藩蔽攸係我

國家承平百有餘年民至老不覩兵革然教民知義親上事長不必在有事之時也元明之季解悖卽戎高曾之矩義勇之風可無念諸志兵革

漢高帝六年潁陰侯灌嬰以兵定豫章郡過進今師過渡掩軍祠其遺跡云師過又云伍員

南梁黃法氈討余孝頃兵過焉

進賢縣志

卷二十一

兵革

十一

宋建炎中王虎駕巨舟欲陷洪州縣民傳安民力戰擒之

宋末元將都木斛過縣撫州都統密祐迎戰龍馬坪三日死之元至正十二年壬辰紅巾賊圍隆興熊釗樊復舉義立寨阻太湖以守北山屢出奇勝賊又羽書告城併力夾攻圍解是年紅巾陷縣城行省委脫歡員外復之縣民萬俊可招定有功脫歡欲殄餘民俊訴免是年又有鄂萬戶自餘千率衆破進賢行省遣蘇千戶領兵克復未幾又陷五月行省左丞亦怜眞班統北軍自信州至進賢鄂萬戶戰敗走死遂復進賢委行省都事橐歡水軍千戶辛敬守之十八年戊戌徐壽輝僞平章陳友諒率水兵戰艦千餘山九江乘風一夕薄隆興火徐赤棄城走守進

賢縣橐歡辛敬以城降

明正德六年辛未撫州賊起地方爲所蹂踐後狼兵討平之民被兵擄掠者甚眾 十四年己卯宸濠叛縣令劉源清鳩眾拒守濠妻黨婁伯來說降劉執而戮之其黨有逸出境者每爲誅之由是東路遂絕濠兵未抵進賢

嘉靖中花園賊起四出擄劫臨川縣典史丁擒滅之立花園巡司 以上聶志

崇禎癸未逆闖遣渠李顓率賊兵破邑城焚掠一空發大學士傅冠祖墓 羅志

國朝順治戊子大將軍段固山率八旗兵討金聲桓既克師潰

進賢縣志

卷二十一

兵革

十三

戊戌補刻

過縣城

羅志

康熙乙卯大將軍率八旗兵討耿精忠駐縣城三日戊午大司馬江西總督董衛國率師討耿逆餘黨於崇仁建昌駐縣城一

日 羅志

### 合縣團練節略

咸豐三年癸丑春髮逆僞天王洪秀泉自廣西過湖南北竄九江直撲江南陷江寧府據城以叛夏五月分股乘舟入寇江西官軍嬰城以守省西南北舳艫泊岸環攻數月進邑在省東南百二十里凡一切軍需及援兵俱由進賢縣路抵省自進賢門入城時地方不靖南昌縣因城之閉而官法不行村庄亦多擾

亂進邑縣主潘諱尊賢遇境內有不法之民卽時擒殺三四人兼理南昌事務不分畛域咸皆肅然且遵奉

上諭飭令百姓在處團練一時義憤所激志切同仇各以鄉兵赴援省城九月賊遂解圍以去進邑自此團練起矣五年冬賊陷吉安府越明年丙辰二月賊分二股一股陷撫州而據其城一股擾我進邑苦邑中兵不滿百城更卑薄眞可靴尖趯倒蜂擁百萬詎彈丸黑子所能阻遏二十四日路過鍾陵宰官史請兵 上憲三月十四日官軍來縣各鄉團練繼至收復縣城賊遁歸撫州撫郡所屬之臨川縣東鄉縣皆爲賊巢進邑東連東鄉西南界臨川旣無高山峻嶺固以金城又無長江大河限以

天塹何從設險以守所恃眾志成城守望相助二十二都十八都十七都十六都十五都十三四都之各團相助以遏東鄉之竄賊十二都十一都十都六都五都四都三都二都一都之各團以遏臨邑詹家塘白家墟李家渡南侵之寇三十三都三十四都三十五都三十六都三十七都三十八都之各團以備臨邑西南諸路之侵擾是誠爲邑之保障足以固吾圉也邑之北所隸之七都八都九都二十三都二十四五都二十六都二十七都二十八都二十九都三十都三十一二都雖不當衝亦皆團練爲各都救應之師如常山蛇擊首則尾應擊尾則首應擊中則首尾皆應聲勢相聯賊有不聞風而膽裂耶七年三月臨

邑踞賊入寇團練協助官軍敗之七月初六官兵玩寇失利遂各營不守城陷陣亡者衆城內遭其屠戮其慘蓋有不可勝言者至十三日李鎮軍官名定泰率官兵合團練鼓噪而進遂克復進城十月僞翼王石達開統衆竄進邑逆匪何止數百萬合邑團練力不能敵遂挈家奔避邑爲之一空次年正月官軍重復整頓賊懼竄入福建雖據三月之久民皆遠避殺戮亦不甚衆四月撫州賊被官兵擊退走東鄉合邑團練守將軍嶺相機進勦遂復東鄉縣十一年七月僞忠王李秀成由瑞州府轉竄進邑入境放火被燒者十之四五村落半爲灰燼然亦不敢久踞隨卽颺去同治三年四月官兵克復南京賊四散奔逃一股

走江西入福建由東鄉經過偏近進境適 上憲調周提督寬世來駐扎將軍嶺擊走之自是江西肅靖數年來迭遭賊擾而團練或戰或守旋失旋復其保衛地方而蹂躪不至于太甚者皆團練之力也而義勇亦大可恃我朝德澤涵濡淪肌浹髓已數百年矣士食舊德而効忠民服先疇而知義縱使小醜跳梁疇不仰廟謨之周詳願効臂指十餘載卒歸底定俾萬世無疆之休噫亦盛矣哉

團練局名

十三四都守望局 進思局

十五都尙義局 九經局

十六都崇信局

十八都時和局 人和局

二十二都志成局

十七都同德局

十一都合志局

十二都本固局 同心局

十都保衛局 保耕局

五都求定局

六都經武局

進賢縣志

卷二十一

兵革

十六

八都鎮東局 與南邑全 前坊新積守望局與南邑全

一都靖烽局

二都剛毅局

三都果毅局

三十三都和濟局

三十五都憤義局 衆成局

三十四都赤田局

二十三都義勝局 福勝局 保全局 西安局

二十六都瀘潯局

二十四都普福局



三十七都永安局

三十八都雪山局

下五坂二十七都二十八都二十九都三十都三十一都共

澄江局 合邑狗難紳民另附忠節不載團董免爭功也

古蹟

古人逝矣蹟存而名可紀名存而實足徵魏徵士之亭戴  
叔倫之宅千載而下與徐亭蘇圃繫人長思矧甘棠遺愛  
飲水知源亦士大夫所宜憑眺而興起也志古蹟

忠義去思 邑治東一里爲知縣劉源清建今亭燬碑存亭內  
並樹孫中丞忠烈公永思碑 肅志

進賢縣志

卷二十一

兵革

十七

戊戌補刻

楊林忠義去思亭碑記正德紀元閹權紊政江藩宸濠乘隙  
弄兵餌網幽密忠憤鬱陶歲丙子東平劉侯汝澄自饒之德  
興右遷進賢以邑邇叛穴思患預防親賢士以廣文謀勤校  
閱以修武備增險隘以固封守持簡靜以安人心越己卯侯  
將考績而騁孽蠢動分遣渠魁欲盡奪郡縣符而驅之于逆  
侯聞變嘆曰臣子以忠孝爲本受民社之寄而值其難何以  
生爲遂 議 前太守萬公季崇憲副姜公士元楊公恭甫  
共築城爲死守計攜游說搜姦匿伏驍勇于要阨以待其來  
道戚婁伯領郡賊攻縣殲前徒數十擒婁伯等斬之因諭衆  
曰春秋傳曰大夫出境苟利社稷惠之可也若俟命而行則

事去矣況亂臣賊子人人得而誅之乎吾固假軍法以從事  
若命出而有違者按此法豎精忠報國旗于縣左積柴環室  
囑其下曰儻逆濠自來當背城力戰若事不濟卽焚之毋令  
污賊手也衆咸感激思奮鄉之豪傑亦率其子弟應嚮赴援  
勢大振賊氣沮又用僞詔以渙衆志侯怒焚於庭而斬其使  
檄約旁郡舉兵勤王走啟於都憲王公聲罪討賊時協謀殫  
力惟侯與吉安守伍公時泰豐城令顧公民表之功居多俘  
未獻而侯以風憲召道出鉛山元老鷺湖費公迎至客次拜  
而謝曰東南半壁賴公保全矣侯初去時士民送至縣東垂  
泣曰吾民再遭噍類侯之賜也何以報之庠生顏經江滿等

曰我侯別於此我輩送于此泣于此卽此建亭樹碑以志不  
朽可乎僉曰善適貴倖方爭攘侯功中止皇上御極功罪昭  
明侯以監察御史擢太僕寺丞士民咸以言適湯溪胡侯時  
章以進士同年故避嫌弗果又二載宣城吳侯性夫莅治凡  
期月敝革廢舉政通人和士民屢以言吳侯喜曰揚前人之  
美以勸後吾志也于是鳩工集材未終月而亭就吳侯題其  
楣曰忠義去思亭屬予記予爰述其槩如右侯諱源清號東  
圃吳侯諱大本辛丑進士云

汪集孫忠烈公永思碑記公諱燧浙之餘姚人以巍科登仕  
籍二十年忠謹仁恕始終如一正德丁卯以簡命來撫江右

時逆藩宸濠潛謀不軌洊食近邑屢摧大臣公至輒繩之以法軍校不率一無少假邦民始安旣而燔虐滋甚幾不可制屢書請抑不獲上聞有議者曰公之爲國爲民惟旣乃心而不獲自遂寧無見幾之哲乎公曰吾爲大臣不能爲國靖難又不能以身殉之平日所學何事若夫利害得喪天實爲之吾其如天何於是敕郡縣固城池廣儲蓄厲士馬分兵布要害若將他備者密聞於朝將俟命至而傾之而不虞其發之驟也先是憲副許公達以逆藩罪狀已著請乘其未發而制之公曰事勢甚大彼盤踞已深脫有不利吾無以白旦夕且命下姑少待之一日以事至逆庭諸司畢集濠盛儀仗嚴兵

衛以待因諭公等曰吾奉密旨正嗣統舉兵北向事茲決焉母相貳也公獨立不跪應之曰天子在上諸藩各有定分密旨其誰爲之吾不能以大義討賊而脇之以從有死而已賊怒甚且憤其發已之奸聲如吼虎遂令力士縛之許公亦奮起巽血而詈同遇害焉時正德己卯六月十有四日也嗚呼公之學可以濟時而未可通時公之德能 乎民而不能以自庇豈其智之不足哉蓋其爲國爲民有分之不容易情之不可解者而不復顧其身 何如也皇上御極之初卽命官禮祭贈秩尚書諡以忠烈昭盛典也集時 八齡已知頌公之德迄今二紀吾邑士民 風節戴 無異於昔時邑侯

橫江邵公莅政期月一新百度而于節義尤加重焉來觀于京首以表章公之大節爲言且以予與公嗣編修陞同年同館友也因屬爲文以記之予不敢辭因次其事垂不朽

新城碑亭在迎恩門內十數步後爲錢侯生祠

聶志

競渡亭宋末焦麗建

見下碑

江萬里競渡亭記焦氏始祖寬山西太原人中陳亮榜進士仕至叅知政事出守江西没于官遂家鍾陵之橙柴林二世敬三世沃相因居之至四世麗字公華文龍榜進士也元攻宋急是年焚其居遷鐵爐坑之西岸下瞰軍山湖湖有灣名競渡先生遊有感於中因作亭焉五月五日觀龍舟弔屈原

進賢縣志

卷二十一

古蹟

二十一

子平也適其時萬里過延而久之嘆曰地有是名亭因以作豈偶然哉予請得而述之夫亭以競渡作者斯時旗鼓擊挽子平之魂也低唱雄歌叙子平之事也迎之者錦色紅黃祀之者酒香遠邇平何以得此哉忠愛激人心也雖然汨羅之魂可能挽而到軍湖之上強楚之事可能叙而爲今日之情耶是平有千萬世之忠憤楚不知而水知之先生有千萬世弔平之悲楚與水皆不知之惟競渡之亭所以表而出之也

飛昇亭在麻姑觀包真人飛昇處天順間建亭其上

聶志

仕學亭儀門左偏

思樂亭在儒學泮池側明天啟間建

寶氣亭邑治西今廢

魏亭以徵士名邑治西三里 以上羈志

趙時福魏亭記魏者徵士姓也亭者顏師古註漢書云秦法十里一亭停留行旅宿食之館進賢古爲鎮宜有亭古之爲亭者必取古跡爲之杜預註左傳凡地名下多云今某所有某亭如盟於唐會於清有唐亭清亭此類非一也以徵士之賢故以姓名亭若郡之孺子亭徐賢亭聘君亭亦斯義也故縣舊有景魏堂尉廳亦有三賢堂皆本徵士也嗟夫其生也上能致有國者徵召其歿也下能使百世之後其姓與邑俱傳非偶然也居斯邑者不必以失其名爲恨獨當思其所以致此之由反求之吾身苟不自植立與草木俱腐豈不惜哉語曰見賢思齊詩曰高山仰止

嘯臺邑治北 羈志

包希魯嘯臺記龍興路判官兼領水軍千戶大梁辛君好禮平亂之二年作臺北山之龍岐江西行中書平章政事道童公扁之曰嘯宣其志也北山踞郡城之東有輔車脣齒之勢地險在焉臺以備譙望謹斥堠非爲遊觀也其上爲亭附祠死節之士激勸係焉當淮蔡之兵相挺而來南逼豫章四方久安承平戎政未詰而豫章省鎮所莅蔚爲重藩旁求人才

以濟厥猷君適以道州錄事判官待期于郡遂守東門以智  
勇退敵能名用彰守安公謙以君嘗尉進賢大得人和言於  
上官因承制授君縣尹以往君單騎湖上以糾義兵民咸來  
趨與水軍千戶定住了靜連兵相援鼓勇以進殺溺萬數功  
狀上聞陞郡推官一年之中戰數千合焚舟千計勢乃大戢  
自盧潯至于鄔子延袤屈折殆二百里咸置斥堠間諜潛通  
復大敗之于大勝岡而江東之民日益來附適丞相奉詔南  
征知其勲烈賜以飲器奏兼水軍千戶仍令安集進賢巨黠  
夙兇牙枿復萌卽株剗之兵後年凶拊煦疏剔以養以恬郡  
城北東屹爲藩援時都昌餘干殘枿未殄爲官民患斯臺之

進賢縣志

卷二十一

古蹟

二十一

作以虞備也夫定難以功崇功以志志帥也志銳氣勇功由  
以成平章公之名臺厥有旨哉昔在劉琨長嘯郤敵人有弗  
察謂以暇整流爲虛談嘗稽之傳嘯者蹙口出聲以舒憤懣  
之氣也蓋忠溢肝膽義切精爽是以憤鬱於中聲泄於外剛  
大之充於一體者其氣橫六合而吞萬象矣矧以秉節事君  
仗義討逆又豈不足以褫人之魄者哉此君之所以成功而  
平章公之得其志也君世宦族有聞人讀書工文辭忠義之  
氣蓋有所積也

寓閣在治東棲賢書院後今廢

見下碑

饒伸寓閣記進賢之東七十里許曰潤溪有山巋然左右翼

舒前峯對拱環峙若繡溪水東注縈紆迤邐北匯鄱湖蓋鍾陵之奧區也唐時戴公諱叔倫者嘗卜居焉戴公以潤州人歷刺饒撫兩州多惠政宦成而隱居此地後人遂名山以棲賢川以潤溪云舊有書堂宅第數圯數振迄今鞠爲榛莽有年矣今邑令黃君行視鄉亭至其遺址慨然議興復而會金孝廉之有意也遂有屬焉令君捐俸廩先之鳩工助緡則孝廉與二三諸生率之而俾其耆頂金秉赤萬鳳等董之邑士民及餘干之西鄙若東鄉之北鄙願効財力者麇至不浹歲而書院竣事以報令君令君喜而記之孝廉輩又謀所以恢書院之處表令君之澤者復於學堂之後創一高閣夾室修

廊堤唐山膺繹聯前舍不僻不喧學士雲集絃誦不輟弗啻蜀郡穎川之化矣孝廉議欲榜閣曰寓庸寓庸令君別號也乃令君固謝不居而重違其請則曰昔戴公以隱寓而吾以仕寓無已則名寓閣可也於時令君方以治行第一徵爲儀部郎且行矣士民又欲勒石垂遠徵文於余余嘆曰大地之勝豈不以人重哉溪山之流峙於地形者萬禩而以戴公得名乃今又以溪識戴也戴公往矣又將千載而溪山在焉昔何以岑寂今何以崢嶸昔何以不屋今何以累榭則令君之勛功也令君舉廢興利百猷鼎新於茲地猶所鼓舞則是閣也戴公之所寓神令君之所寓意也自今而往寓目焉則北

望匡蠡南視嶺表顧瞻我里毋忘前哲寓跡焉則朝蹠灑淑  
夕躔翠微如憑虛御風翛然自適寓志焉則高山仰止架度  
斯存可以驗文章可以考政事夫然故閣足永也蓋無寓而  
非道也善乎令君之言曰得其趣則寄寓皆真不然雖真亦  
幻也有味哉余聞閣之著名者莫如吾郡之滕王閣及讀三  
王昌黎所叙記特言其景物之美可備遊宴耳閣中帝子無  
述焉而垂之百年不可湮滅今神意所寓百倍帝子其必傳  
於後無疑也雖然棲賢潤溪以戴公重山川也書院寓閣以  
令君重戴公也而後之人承叙萬年永觀懷德無忝前人以  
爲令君重余不能無三致意焉其閣延袤歲月工費士民姓

氏具碑陰

樊良樞寓閣記距鍾陵而東七十里爲棲賢山唐刺史戴叔  
倫所棲逸處也戴公有明經堂舊卽其遺址祠戴公爲書院  
接武金剛寺歲久荆榛入於民間武林黃公貞父先生來宰  
敝邑夜宿潤陂聞古寺鐘聲乃披林莽跡戴公遺地集門人  
金孝廉德潤偕諸生數輩登眺其上相與弔千古之代謝而  
歌戴公清流碧山之詩劃然一嘯林谷傳聲慨然復古書院  
民亦子來釀金成之題其枋曰棲賢畱勝歷磴尋尺而上成  
堂三楹仍明經舊題而其後構一傑閣閣之後顏以小天台  
亦仍戴公舊名也山川之勝此閣可凭而盡工竣先生爲書



院記甚詳余友金德潤徵余文以記閣諸生欲置先生於百尺而先生謙讓焉乃仍高戴公座而字之曰寓閣古今等寓耳先生寓而政且寓而情予亦從先生寓而目請爲先生寓言之予惟古之人柔心應世而雅好所託超然塵垢之外故累心俱盡而此中真意獨以元對山水得其趣則太虛爲室可以麾斥入極無所不至不得其趣而捷徑終南假步北山卽山川竒麗秀絕之氣不爲吾有此詎可令戴公見者戴公爲中唐名士有節概先後刺撫州饒州所在有惠政而棲遲此山三十年方其三仕之日輒寄慨於買山未得諫獵非時及烟霞而欲歸逐浮雲而笑晚其意固已遠矣至其寔是非

於漆園忘憂情於塞上清溪碧山踏花醉月白雲黃葉結陰寄禪此真與道浮沈者也貞父先生以卓絕名流作吏卽有阮嗣宗東平之趣於棲賢若宿世緣間一曳屐卽有勝情壇石政平民治百墜廢舉其非譽利害日代乎前如江上風濤山間烟雨曉夕百變怡然接之青山數螺溪流縹碧欣然有會其所以寄託者深矣昔蘇子瞻倅錢塘歐公屬以西湖僧惠勤三日訪勤於孤山之下抵掌而論人物勤曰歐公天人也人見其暫寓人間而不知其乘雲馭風歷五嶽而跨滄海也雖江山之勝莫適爲主而竒麗秀絕之氣常爲能文者用西湖蓋公几案間一物耳貞父先生振衣千仞漱流萬里飄

飄有世表意而吐納風雲襟絡海嶽今且矯翼天路用以爲儀則先生眉宇之間有棲賢也豈簡文所稱謝安石與人同憂與人同樂者邪子瞻爲西湖長後一歲率四五夢至西湖上先生一往有情情境發於夢想卽不可知然是閣也戴公得先生而傳其盛棲賢得先生而成其高先生功德與言自爲不朽予言不足爲先生重也聊以記夫閣而已矣

唐撫州刺史戴叔倫宅在邑東棲賢山後改爲書院

羅志

今廢

宋直寶章閣羅必元宅在邑東

聶志

徐鹿卿北谷記魏亭東六十里曰楊橋羅君亨父居之良田數十畝泉流灌注不竭兩山翼左右窈然而深君暇日經邱

進賢縣志

卷二十一

古蹟

二十六

尋壑顧而樂之卽兩山之口堰水爲長川夾川雜植花木北爲花島又北爲書堂前揖嵐山五峯隱隱出水上如筆架環堂種竹萬箇挾以二亭曰駐春曰專壑稍折結竹爲龜亭在蔽虧間其西臨池亭曰知魚巨鱗數百與人意狎聞擊欄聲則駢首出就餌若有期約者半嶺素梅環立亭曰駕香攀援而上高絕處亭曰更好秋涼澄霽登亭北望康廬諸峯隱見於微茫杳靄間烟昏墨淡莫可摹狀羅氏族蕃以楸獨君素貧方其披榛剗翳自出意匠某所可亭某所可檻曾中有成屋矣而力弗及於是舉族不謀同詞隨所位置各出力以治其一而西南北之亭榭畢具惟東山居高面勝其下疆理或

他屬越十年始一之遂負山作精舍面三峯帶橫川人行鏡  
中隱几可見旁闢海棠洞與花島相映帶總名之曰北谷君  
芥視外物自嘉定辛卯經始距今五閏在官之日少居閒之  
日多時時與親友幅巾藜杖酒壺茗椀徜徉其閒折芳弄流  
命席就蔭或焚香兀坐靜觀本心消遣世慮陶然不知日之  
既夕其觸景遇事一發於詩清曠勁健務入於理歲在丁亥  
予與君偕調官中都執手論心恨相得晚既別爲鷄黍約踰  
年踐言相與上下山光攀翻草樹君奮髯傲兀自歌所制四  
時詞二兒垂髫膝下牽衣和之別去予赴七閩帥幕再更春  
而君實來顧念昔遊恍如昨夢君間語予曰士君子當出則

思處吾非惡乎出也出制於時處由乎我北谷者所以必其  
在我也既不能隨波而俛仰盍亦退處于人之所不爭獨恨  
饑來驅我欲逐放于寬閒而未能方將痛自損節增一室于  
東山之下而歸老焉子其爲我記之予不敢辭夫素行足以  
糾宗族忘機足以信禽魚推而放之時止時行又何間乎廟  
廊之與江湖噫嘻佩玉瓊琚不利走趨亨父隱矣天降時雨  
山川出雲亨父隱乎君名必元字曰亨父第辛未進士今爲  
福州觀察推官云

趙汝偵宅在待賢里

黃時中宅在恩榮里

包希魯恩榮里記邑治右五十步曰少府橋由橋南又五十步至何嘉山前松江府教授黃時中可翁居焉年七十今天子尊禮老臣與庶老之高年者國老賜幣庶老賜帛有差時中凡再受賜始降玉色官綺越三年復賜金織二花紅錦時監縣爲高昌袁州海牙君伯源以時中重膺恩賜遂卽其植垣揭版題曰恩榮里所以彰上德勵鄉井俾知所尊崇又著夫有德者之獲佑於天也謂希魯爲之記竊計進地百里戶四萬有奇而口則十倍焉其間固有仕而食祿者矣或罔克壽或弗際時迨沒齒有不霑寸帛者今百里內惟黃君以初秩兩拜恩賜非優于學懋于德未易致是也監縣之表厥里

進賢縣志

卷二十一

古蹟

二十八

戊戌補刻

而復欲記之者豈苟然詡黃君哉過是里者其必致思而有得焉夫人君之尊禮高年見諸經不一也古之聖賢所以惓惓於是焉皇上卑服罄府藏之儲再爲天下高年賜苟爲國老者不忘補過之忠而有以裨乎袞職爲庶老者率其子弟以孝悌忠信勤身務本而不憚于有司則恩榮之被又豈獨高年而已哉

北源別墅邑人提點司楊龍偉構

鶴巢邑人助教侯復構

賜樂園在邑治北邑人光祿卿楊峻構

石灘草堂邑人副使楊士和構

百川鶴圃邑人都御史張臬構

適園邑東門外邑人編修傅冠構

先春園邑人都御史張臬構

西溪別墅教授舒旦建

以上聶志

守約堂三十都廩生胡懋煌字殿彩號澹湖乾隆年間建新建  
縣尚書曹秀先題跋鍾陵胡澹湖先生積學砥行爲士林望傳  
經教子宏啟家風所居斗室一畝環堵書史自娛顏其堂曰守  
約聖賢之教君子之造可想見先生之爲人矣噫其可敬也已

### 坊表

陸清獻公修靈壽志不載坊表尙闇修也然表厥宅里樹

### 進賢縣志

#### 卷二十一

古蹟

二十九

之風聲百世之下聞者興起臚之史策庸詎不爲吏治民  
風之一助耶志坊表

清政坊縣治前明初知縣梁璧立以自期天順間知縣呂聲修  
以石萬厯間燬知縣周光祖修後復燬

開誠心坊在西隅明正統間知縣張冲立

布公道坊在東隅明正統間知縣張冲立

賢行坊任通濟橋東爲明初王中孚妻女立

薦賢坊在邑治南里許洪武十四年知縣丁全立

### 製錦坊

仁壽坊北隅洪武二年知縣梁璧重立

新興坊在邑治東百步放生池側

大成坊在儒學泮宮前

鍾秀坊在明倫堂前

泮宮坊奎璧聯輝坊俱在邑治南數步正德間知縣劉源清爲  
修撰舒芬會魁萬潮立萬厯間知縣毛一瓚修改題狀元坊後  
復燬知縣周光祖復改題三元全盛天啟間知縣梁應材重修  
改題名世同登一列鼎甲元魁名一列歷科進士名  
錦繡坊在水西門外元時爲薩天錫建  
繡衣坊成化初知縣呂聲爲監察御史王朝遠立  
三豸坊爲御史陳璉楊峻于大節立

進賢縣志

卷二十一

坊表

三十

承恩坊爲錢塘知縣熊迪立

迎恩坊爲封監察御史楊敬善立

解元坊爲庚子解元季源立

登科坊爲進士徐行立

文明坊爲辛卯貢士徐綱立

畫錦坊爲叅政陳謨立

進士坊爲戊戌科王建立

進士坊爲己丑科陳子倫立

攀桂坊爲辛卯科余顯立

擢桂坊爲乙未科進士熊淵立

昂霄坊爲癸卯科貢士白璧立

香桂坊爲貢士雷鼎立

青雲坊爲辛丑科進士傅端立

進士坊爲進士吳預立

登瀛坊爲丙戌科進士周煒立

折桂坊爲甲午科貢士周泰立

雙桂坊爲進士樊靜樊鑑立

登雲坊爲貢士周備立

翰林坊爲檢討葉燦立

進士坊爲辛未科李鎮立

進賢縣志

卷二十一

坊表

三十一

聚奎坊爲辛卯貢士趙溥立

登科坊爲庚子貢上萬和立

登雲坊爲乙卯科貢士熊僑立

鳴世坊爲乙卯科貢士徐明立

聯科坊爲貢士趙楷趙桓立

尚書里坊爲尚書朱夢炎立

太僕坊爲太僕寺丞陳雲章立

天下宗師坊爲禮部侍郎萬浩立

大冢宰坊暨宮保大臣坊俱爲吏部尚書萬鏜立

總督三藩坊爲兩廣總督張臬立

兩京觀風坊暨兩院秉憲坊俱爲都御史尚書傅炯立

少司寇坊爲刑部侍郎朱廷聲立

世憲坊爲楊峻楊二和父子立

崇德嘉功坊爲副使楊二和禦滾濠功立

進士坊爲丙戌科張臬立

進士坊爲壬辰科曾鈞立

兩都諫議坊爲給事中何祉立

世登科第坊爲己酉科貢士汪深乙未科進士汪集立

宮保尚書坊爲工部尚書李輔立

司馬中丞坊爲兵部侍郎饒景暉立即舊清政坊址

以上  
轟志